

**Վիճակագրական արտադրանք - Շինարարական արտադրանք** (Շինարարական արտադրանք (ամսական/ տարեկան), Շինարարական արտադրանքի ինդեքսներ (ամսական))

Գործընթացներ	Ենթագործընթացներ	Ենթագործընթացի նկարագրություն
<i>Կարիքների ձևակերպում</i>		
	1.1 Կարիքների բացահայտում	Ցուցանիշների հավաքման հիմնական նպատակն է տրամադրել օգտագործողներին կարճաժամկետ և տարեկան կտրվածքով տեղեկատվություն շինարարության ծավալների վերաբերյալ: Ցուցանիշները կիրառվում են շինարարության բնագավառում ռազմավարության մշակման, մարտավարական խնդիրների լուծման, բիզնես միջավայրի վերլուծության, զարգացման միտումների բացահայտման և այլ նպատակներով:
	1.2 Խորհրդակցում և կարիքների հաստատում	Ցուցանիշները հավաքվում են համաձայն տարեկան վիճակագրական ծրագրի (տես՝ <a href="https://www.armstat.am/am/?nid=191">https://www.armstat.am/am/?nid=191</a> հղումը), որն իր հերթին մշակվում է վիճակագրական տեղեկատվության օգտագործողների պահանջարկի ուսումնասիրության հիման վրա՝ հաշվի առնելով առկա ռեսուրսների սահմանափակումները, վիճակագրական տեղեկություններ տրամադրողների վրա դրվող պարտականությունների ծավալը և ծախսերի արդյունավետությունը: Վիճակագրական ցուցանիշների վերաբերյալ տեղեկատվություն օգտագործողների կարծիքների ուսումնասիրությունն իրականացվում է ինչպես նրանց հետ աշխատանքային քննարկումների անցկացման, այնպես էլ Արմստատի պաշտոնական կայքում առկա «Օգտագործողների բավարարվածության հետազոտության հարցաթերթի» միջոցով (տես՝ <a href="https://www.armstat.am/am/?nid=131">https://www.armstat.am/am/?nid=131</a> հղումը):
	1.3 Արտադրանքի նպատակների սահմանում	Տեղեկատվության (տվյալների) հավաքման, օգտագործման, հրապարակման և պահպանման գործընթացում խստորեն պահպանվում են «Պաշտոնական վիճակագրության մասին» օրենքում վիճակագրական տվյալների գաղտնիությանը վերագրվող դրույթները (տես՝ <a href="https://www.arlis.am/DocumentView.aspx?DocID=120755">https://www.arlis.am/DocumentView.aspx?DocID=120755</a> հղումը):
	1.4 Հասկացությունների որոշում	Ցուցանիշների ներդրման անհրաժեշտությունը պայմանավորված է վիճակագրական տեղեկատվություն օգտագործողների պահանջարկի առկայությամբ:
	1.5 Տվյալների առկայության ստուգում	Տեղեկատվության հավաքման հիմնական աղբյուր են հանդիսանում կառուցապատող, ինչպես նաև շինարարական աշխատանքների ֆինանսավորում իրականացնող իրավաբանական անձիք, հիմնարկները,

		կազմակերպությունները, անհատ ձեռնարկատերերը, մարզպետարանները, քաղաքապետարանները, համայնքները, ինչպես նաև վարկային ծրագրեր իրականացնող գրասենյակները (որոնք շինարարություն են իրականացնում օտարերկրյա պետությունների և միջազգային կազմակերպությունների կողմից տրամադրված վարկային և (կամ) դրամաշնորհային միջոցների հաշվին): Տվյալների հավաքումն իրականացվում է վիճակագրական հաշվետվության ձևի միջոցով՝ համապատասխան տարեկան ու հնգամյա վիճակագրական ծրագրերի:
	1.6 Բիզնես մոդելի նախապատրաստում	Մինչ վիճակագրական հաշվետվության ձևի ընդունումը ՀՀ ՎՊԽ կողմից և ՀՀ արդարադատության նախարարության կողմից դրա պետական գրանցումը, որպես նորմատիվ իրավական ակտ, իրականացվում է դրանում ներառված ցուցանիշների և դրանց վերաբերյալ լրացման հրահանգի մասով աշխատանքային քննարկումներ տարբեր շահագրգիռ մարմինների, գիտական կազմակերպությունների, օգտագործողների հետ, ինչպես նաև հաշվի է առնվում միջազգային փորձագետների կարծիքը:
	<i>Նախագծում</i>	
	2.1 Արդյունքների նախագծում	Տվյալները հավաքվում են «Պաշտոնական վիճակագրության մասին» օրենքի և «Հնգամյա վիճակագրական ծրագրի» հիման վրա, ինչպես նաև ՀՀ վիճակագրության պետական խորհրդի 2016թ. հունիսի 20-ի «Վիճակագրական տվյալների հավաքման կարգը հաստատելու մասին» թիվ 05-Ն և «Տարեկան վիճակագրական ծրագիրը հաստատելու մասին» որոշումների, ինչպես նաև ՀՀ վիճակագրության պետական խորհրդի 2018թ. հոկտեմբերի 19-ի «Հաշվետվություն օբյեկտների, հիմնական միջոցների գործարկման և շինարարության իրականացման մասին» Ձև թիվ 2-ԿՇ (ամսական), «Բնակչության միջոցների հաշվին անհատական բնակելի շենքերի գործարկման մասին» Ձև ԱԲՇ (ամսական), «Բնակչության միջոցների հաշվին տարբեր նշանակության օբյեկտների (բացի բնակելի շենքերից) գործարկման մասին» Ձև ՄՇ (ամսական) և 2020թ. սեպտեմբերի 2-ի «Հաշվետվություն օբյեկտների, հիմնական միջոցների գործարկման և շինարարության իրականացման մասին» Ձև թիվ 2-ԿՇ (տարեկան) վիճակագրական հաշվետվությունների ձևերը և դրանց լրացման հրահանգները հաստատելու մասին» թիվ 20-Ն, թիվ 22-Ն և թիվ 23-Ն որոշումներով հաստատված հավելված 1-ում:
	2.2 Փոփոխականների նկարագրությունների նախագծում	Ցուցանիշների հավաքման նպատակով կիրառվում է Տնտեսական գործունեության տեսակների դասակարգչի 2-րդ խմբագրությունը (ՀՀ Էկոնոմիկայի նախարարի N 1579-Ն

		10.12.2019թ. հրաման ՀՀ ՉՏ 04.11.2013թ. 30/ (474).1 ) (տես՝ <a href="https://www.armstat.am/am/?nid=370">https://www.armstat.am/am/?nid=370</a> հղումը)
	2.3 Տվյալների հավաքման նախագծում	Վիճակագրական տեղեկատվության հավաքման հիմնական ձևը թղթայինն է՝ ՀՀ վիճակագրության պետական խորհրդի կողմից հաստատված վիճակագրական հաշվետվության ձևի միջոցով՝ համաձայն տարեկան վիճակագրական ծրագրի: Կիրառվում է նաև տեղեկատվության հավաքման էլեկտրոնային եղանակ: Տեղեկատվության հավաքումն իրականացվում է հիմնականում համատարած հաշվառման եղանակով:
	2.4 Գլխավոր համակցության և ընտրանքի նախագծում	Գլխավոր համակցության նախագծումն իրականացվում է ոլորտի վերաբերյալ ամբողջական տեղեկատվության ապահովման նպատակով: Այդ նպատակով իրականացվում է նախապես հայտնի շինարարության ոլորտի կազմակերպությունների գործունեության փաստի վերաբերյալ տեղեկատվության ստացում՝ բոլոր հնարավոր աղբյուրներից (շինարարության թույլտվությունների, կառուցապատման ընթացքում գտնվող օբյեկտների, շինարարության շահագործման փաստագրման ակտերի վերաբերյալ տեղեկատվություն), որին անմիջապես հետևում է այդ կազմակերպությունների իրազեկումը վիճակագրական դիտարկման դաշտ ընդգրկվելու վերաբերյալ, ապա համապատասխան վիճակագրական տեղեկատվության հավաքումը:
	2.5 Մշակման և վերլուծության նախագծում	Տեղեկատվության հավաքումից հետո վիճակագրական ցուցանիշները ենթարկվում են թվաբանական և տրամաբանական ստուգումների, որոնց հիման վրա, իսկ անհրաժեշտության դեպքում նաև տեղեկատվություն ներկայացնող համապատասխան կազմակերպությունների հետ կապ հաստատելու միջոցով, իրականացվում են համապատասխան ճշգրտումներ: Ցուցանիշների վերաբերյալ ոչ արժանահավատ, թերի կամ աղավաղումներով տեղեկատվության ներկայացման դեպքում համաձայն ՀՀ «Վարչական իրավախախտումների վերաբերյալ ՀՀ օրենսգրքի» 169.2 հոդվածի պահանջների ըստ անհրաժեշտության իրականացվում է նաև ստուգման գործընթաց, որի արդյունքում ճշգրտման են ենթարկվում ցուցանիշների վերաբերյալ նախորդող ժամանակաշրջանի տվյալները: Հաշվառման դաշտի ամբողջականացման ապահովման նպատակով իրականացվում է չդիտարկվող (չհաշվառվող) դաշտի գնահատումը՝ օգտագործելով ինչպես տնային տնտեսությունների, այնպես էլ անհատական բնակարանային շինարարության ընտրանքային հետազոտությունների արդյունքները:
	2.6 Արտադրության համակարգերի և գործընթացի	Տեղեկատվության հավաքումից մինչև դրա հրապարակումն իրականացվող բոլոր գործընթացների մասով կատարվում են նախապատրաստական աշխատանքներ, մասնավորապես կապված ռեսպոնդենտներին համապատասխան

	նախագծում	իրագրելու մենթորով ապահովելու, աշխատակիցներին անհրաժեշտ մասնագիտական դասընթացների միջոցով վերապատրաստելու և այլնի հետ:
<i>Կառուցում</i>		
	3.1 Հավաքման գործիքի կառուցում	Տեղեկատվության հավաքման իրականացման և դրա համար անհրաժեշտ վիճակագրական հաշվետվության ձևը և դրա լրացման հրահանգն առկա են ինչպես թղթային, այնպես էլ էլեկտրոնային տեսքով (տես՝ <a href="https://www.armstat.am/am/?nid=48&amp;thid=con">https://www.armstat.am/am/?nid=48&amp;thid=con</a> հղումը):
	3.2 Գործընթացի բաղադրիչների կառուցում կամ ամրապնդում	Առկա են տեղեկատվության ստուգաճշտման համար անհրաժեշտ մեթոդական ցուցումներ ու հրահանգներ: Մուտքագրման ծրագրային փաթեթում (Microsoft Office Access) առկա է մուտքագրված տվյալների թվաբանական ու տրամաբանական ստուգումների իրականացման համար անհրաժեշտ գործիքներ:
	3.3 Տարածման բաղադրիչների կառուցում կամ ամրապնդում	Տեղեկատվության տարածման համար առկա են ինչպես թղթային, այնպես էլ էլեկտրոնային տարբերակներով տեղեկատվության հրապարակման հնարավորություններ՝ ամսական, եռամսյակային և տարեկան պարբերականությամբ՝ համաձայն տարեկան վիճակագրական ծրագրի:
	3.4 Գործընթացների կարգավորում	Վիճակագրական արտադրանքի ստացումն իրականացվում է իրար հաջորդող հետևյալ փուլերով՝ <ol style="list-style-type: none"> <li>1. տեղեկատվության հավաքում,</li> <li>2. թվաբանական և տրամաբանական ստուգումներ և ճշգրտումներ,</li> <li>3. տեղեկատվության մուտքագրում նախապես մշակված համակարգչային մուտքագրման ծրագրի միջոցով (Microsoft Office Access ծրագրային փաթեթ),</li> <li>4. ստացված ամփոփ տեղեկատվության համեմատում համապատասխան դինամիկ շարքերի հետ,</li> <li>5. տեղեկատվության տարածում՝ ինչպես թղթային, այնպես էլ էլեկտրոնային եղանակով տարեգրքերում, տեղեկատվական զեկույցներում, վիճակագրական ժողովածուներում, ինչպես նաև տեղեկատվության պաշտոնական հայցման դեպքում պաշտոնական պատասխան գրությունների միջոցով:</li> </ol>
	3.5 Արտադրության համակարգի փորձարկում	Պայմանավորված վիճակագրական հաշվետվության ձևում ցուցանիշների փոփոխությունների հետ մուտքագրման ծրագրային փաթեթը պարբերաբար ենթարկվում է համապատասխան փոփոխությունների: Ըստ անհրաժեշտության իրականացվում է նաև ծրագրային փաթեթների թեստավորում:
	3.6 Վիճակագրական	Ցուցանիշի վիճակագրական հաշվետվության ձևում

	բիզնես գործընթացի փորձարկում	ընդգրկմանը զուգահեռ իրականացվում է վերջինիս դաշտային փորձաքննություն՝ պարզելու ռեսպոնդենտների կողմից ցուցանիշի տրամադրման հնարավորությունները, ինչպես նաև փորձարկելու դրա նկատմամբ նրանց ընկալումը:
	3.7 Արտադրության համակարգի վերջնականացում	Իրականացվում են վիճակագրական հաշվետվության ձևում առկա ցուցանիշների լրացման վերաբերյալ մեթոդաբանական պարզաբանումների կազմում և տրամադրում վիճակագրական տեղեկատվություն տրամադրողներին (ռեսպոնդենտներին): Ամփոփվում են տեղեկատվություն ներկայացնողների հետ ցուցանիշների վերաբերյալ աշխատանքային քննարկումների արդյունքում ձեռք բերված համաձայնությունները:
	<i>Հավաքում</i>	
	4.1 Գլխավոր համակցության և ընտրանքի ձևավորում	Տեղեկատվության հավաքման համատարած դիտարկման արդյունքում ձևավորվում է տեղեկատվության գլխավոր համակցությունը, որն իր մեջ ներառում է շինարարություն իրականացնող կառուցապատող՝ պատվիրատու կազմակերպություններից հավաքված տեղեկատվությունը:
	4.2 Հավաքման կազմակերպում	Վիճակագրական տեղեկատվության հավաքման կազմակերպման համար իրականացվում է դիտարկման ենթակա նախապես հայտնի կազմակերպությունների քանակին համապատասխան վիճակագրական հաշվետվության ձևի և ըստ անհրաժեշտության դրա լրացման հրահանգի տպագրության պատվերի ձևավորում, դրանց տպագրություն և բաշխում համապատասխան կազմակերպություններին: Միաժամանակ վիճակագրական հաշվետվության ձևն ու դրա լրացման հրահանգը հասանելի են նաև Արմստատի պաշտոնական կայքում (տես՝ <a href="https://www.armstat.am/am/?nid=48&amp;thid=con">https://www.armstat.am/am/?nid=48&amp;thid=con</a> հղումը): Առկա են էլեկտրոնային եղանակով հաշվետվության հավաքման համար անհրաժեշտ ցանցային միջոցներ: Կառուցվածքային և տարածքային ստորաբաժանումների պատասխանատու աշխատակիցներն ունեն համապատասխան գիտելիքներ և հմտություններ վիճակագրական տեղեկատվության հավաքման գործընթացի կազմակերպման համար:
	4.3 Հավաքման իրականացում	Վիճակագրական տեղեկատվության հավաքումն իրականացվում է ինչպես Արմստատի տարածքային ստորաբաժանումների, մարզային վարչությունների, այնպես էլ Արմստատի կենտրոնական ապարատի համապատասխան կառուցվածքային ստորաբաժանման միջոցով՝ առձեռն, փոստի և էլեկտրոնային համակարգի միջոցներով համաձայն 20.06.2016թ. ՀՀ ՎՊԽ «Վիճակագրական տվյալների հավաքման կարգը հաստատելու մասին» թիվ 05-Ն որոշման:

	4.4 Հավաքման վերջնականացում	Հավաքված տեղեկատվությունը թվաբանական և տրամաբանական ստուգաճշտման ենթարկվելուց հետո մուտքագրվում է էլեկտրոնային միջավայր: Տեղեկատվության մուտքագրումն իրականացվում է ինչպես մեխանիկական, այնպես էլ տեղեկատվությունը էլեկտրոնային միջավայր անմիջապես ներածելու եղանակով:
	<i>Մշակում</i>	
	5.1 Տվյալների ինտեգրում	-
	5.2 Դասակարգում և կոդավորում	Իրականացվում է կազմակերպությունների կողմից իրականացված շինարարության ծավալների կոդավորման աշխատանքներ համաձայն Տնտեսական գործունեության տեսակների դասակարգչի (NACE, rev 2), ինչպես նաև մարզային միավորների կոդավորում՝ համաձայն նախապես սահմանված կարգի:
	5.3 Վերանայում և հաստատում	Իրականացվում է թերի կամ աղավաղումներով ներկայացված տեղեկատվության ստուգաճշտում, ցուցանիշները ենթարկվում են թվաբանական և տրամաբանական ստուգումների, որոնց հիման վրա, իսկ անհրաժեշտության դեպքում նաև տեղեկատվություն ներկայացնողների հետ կապ հաստատելու միջոցով, իրականացվում են համապատասխան ճշգրտումներ:
	5.4 Խմբագրում և իմպուտացիա	Իրականացվում է բացակայող տեղեկատվության համալրում շինարարական կազմակերպությունների՝ կապալառուների կողմից ներկայացված տվյալներով՝ դրանց վերաբերյալ այլ տեղեկատվության բացակայության դեպքում: Համալրված տեղեկատվությունը հաջորդող ժամանակահատվածում տվյալների առկայության պարագայում ենթակա են ճշգրտման:
	5.5 Նոր փոփոխականների և միավորների ձևավորում	Հաշվառման դաշտի ամբողջականացման ապահովման նպատակով իրականացվում է չլիտարկվող (չհաշվառվող) դաշտի գնահատումը, օգտագործելով ինչպես տնային տնտեսությունների, այնպես էլ անհատական բնակարանային շինարարության ընտրանքային հետազոտությունների արդյունքները:
	5.6 Կշիռների հաշվարկում	Քանզի շինարարություն իրականացնող՝ կառուցապատող (պատվիրատու) կազմակերպությունների կողմից ներկայացված տեղեկատվությունը ապահովում է այդ ոլորտի վիճակագրության ամբողջականությունը, հետևաբար լրացուցիչ կշիռների հաշվարկման անհրաժեշտություն չի առաջանում:
	5.7 Ագրեգատների հաշվարկում	Մուտքագրված տեղեկատվության հիման վրա իրականացվում է ամփոփ տվյալների ստացում ըստ առանձին վիճակագրական ցուցանիշների՝ նախապես

		մշակված համակարգչային ծրագրի միջոցով:
	5.8 Տվյալների ֆայլերի վերջնականացում	Հաճախ, ելնելով օպերատիվ վիճակագրական տվյալների ստացման անհրաժեշտությունից, նախնական տեղեկատվության հիման վրա կատարվում է նախնական ցուցանիշների հաշվարկ, որոնք հետագայում ենթակա են ճշգրտման: Առաջին անգամ հրապարակված տվյալները որակավորվում են որպես նախնական: Հրապարակված տվյալների փոփոխություններն ուղեկցվում են բացատրական ծանոթագրություններով: Վերջնական տվյալները ներկայացվում են տարեկան հրապարակումներում:
	<i>Վերլուծություն</i>	
	6.1 Նախնական արդյունքների նախապատրաստում	Ստացված ամփոփ տեղեկատվության հիման վրա իրականացվում է վիճակագրական ցուցանիշների խմբավորումների, ինդեքսների, ինչպես նաև դինամիկ շարքերի կառուցում: Ժամանակագրական համադրելիության առումով շինարարական արտադրանքի ծավալի ինդեքսները հաշվարկվում են ամսական, եռամսյակային և տարեկան կտրվածքով՝ հաշվետու ամիսը նախորդ տարվա համապատասխան ամսվա նկատմամբ, հաշվետու ամիսը նախորդ ամսվա նկատմամբ, հաշվետու ժամանակաշրջանը նախորդ տարվա համապատասխան ժամանակաշրջանի նկատմամբ, հաշվետու եռամսյակը նախորդ տարվա համապատասխան եռամսյակի նկատմամբ, հաշվետու եռամսյակը նախորդ եռամսյակի նկատմամբ, հաշվետու տարին նախորդ տարվա նկատմամբ: Այսինքն, շինարարական արտադրանքի ինդեքսը հաշվարկվում է հաշվետու և բազիսային ժամանակաշրջանում շինարարության ծավալների հարաբերակցությամբ:
	6.2 Արդյունքների վավերացում	Ցուցանիշների ստացման ողջ ընթացքում խստորեն պահպանվում են դրանց ստացման մեթոդաբանական պահանջները՝ համաձայն նախապես սահմանված դասակարգումների, մեթոդաբանական ուղեցույցների և վիճակագրական հաշվետվության ձևի լրացման հրահանգի:
	6.3 Արդյունքների մեկնաբանում և բացատրում	Ամփոփ ցուցանիշների ստացումից հետո իրականացվում է դրանց տրամաբանական վերլուծում՝ օգտագործելով տնտեսությունում տեղի ունեցող տարաբնույթ երևույթների ազդեցությունը նշված ոլորտի վրա:
	6.4 Բացահայտման հսկողության կիրառում	Խստորեն պահպանվում են ինչպես հրապարակման ենթակա, այնպես էլ վիճակագրական տեղեկատվություն օգտագործողների կողմից հայցվող վիճակագրական ցուցանիշների գաղտնիությունը, այն է դրանց գերծ լինելը անհատական (անվանական) տեղեկություններից, համաձայն «Պաշտոնական վիճակագրության մասին

		օրենքի» և 2001 թվականի հունիսի 25-ի «Վիճակագրական գաղտնիքի պահպանման կարգը հաստատելու մասին» ՀՀ ՎՊԽ N 53 որոշման (տես՝ <a href="http://www.armstat.am/file/doc/99454478.pdf">http://www.armstat.am/file/doc/99454478.pdf</a> հղումը):
	6.5 Արդյունքների վերջնականացում	Մինչ ամփոփ տեղեկատվության տարածումը իրականացվում է շինարարության ոլորտը բնութագրող ամփոփ ցուցանիշների վերլուծություն՝ ըստ դրանց դինամիկ շարքերի:
	<i>Տարածում</i>	
	7.1 Ելքային համակարգերի արդիականացում	Համացանցում տեղադրված «Ժամանակագրական շարքերը» ամեն ամիս թարմացվում են՝ տեղադրելով տվյալ ամսվա շինարարական արտադրանքի ցուցանիշները: Նմանատիպ ձևով յուրաքանչյուր տարի թարմացվում են «Armstat.Bank»-ում (տես՝ <a href="http://armstatbank.am">http://armstatbank.am</a> հղումը) տեղադրված արտադրանքի ծավալի ցուցանիշները ըստ ՀՀ մարզերի և ք.Երևանի:
	7.2 Տարածման արտադրանքների արտադրում	<p>Տարածվող արտադրանքների համար իրականացվում են արտադրման բոլոր քայլերը՝ բացատրական տեքստի, աղյուսակների, գծապատկերների, քարտեզների և այլ նյութերի նախապատրաստում, այդ արտադրանքների խմբագրում և դրանց համապատասխանեցում հրապարակման ստանդարտներին:</p> <p>Վիճակագրական ցուցանիշների վերաբերյալ տեղեկատվությունը հայերեն, անգլերեն և ռուսերեն լեզուներով հրապարակվում է ներքոհիշյալ տարեգրքերի, վիճակագրական ժողովածուների, տեղեկատվական ամսական զեկույցների, վիճակագրական տեղեկագրերի միջոցով.</p> <ol style="list-style-type: none"> <li>1. Հայաստանի վիճակագրական տարեգիրք (տես՝ <a href="https://www.armstat.am/am/?nid=586">https://www.armstat.am/am/?nid=586</a> հղումը):</li> <li>2. Հայաստանի Հանրապետության մարզերը և Երևան քաղաքը թվերով (տես՝ <a href="https://www.armstat.am/am/?nid=80&amp;id=2203">https://www.armstat.am/am/?nid=80&amp;id=2203</a> հղումը):</li> <li>3. Հայաստանը թվերով (տարեկան) (տես՝ <a href="https://armstat.am/am/?nid=82&amp;id=2325">https://armstat.am/am/?nid=82&amp;id=2325</a> հղումը):</li> <li>4. Հայաստանի Հանրապետության սոցիալ-տնտեսական վիճակը (ամսական) (տես՝ <a href="https://www.armstat.am/am/?nid=82">https://www.armstat.am/am/?nid=82</a> հղումը)</li> <li>5. Շինարարությունը Հայաստանի Հանրապետությունում (եռամսյակային) տես՝ <a href="https://www.armstat.am/am/?nid=81&amp;id=2208">https://www.armstat.am/am/?nid=81&amp;id=2208</a> հղումը)</li> </ol>
	7.3 Տարածման արտադրանքների թողարկման կառավարում	Վիճակագրական տեղեկատվության տարածումը կատարվում է համապատասխան Արմստատի հնգամյա և տարեկան վիճակագրական ծրագրերով նախատեսված ժամանակացույցի: Վիճակագրական տեղեկատվություն ներկայացնողների կողմից ցուցանիշների վերաբերյալ



		տեղեկատվության փոփոխման կամ ճշգրտումների կատարման դեպքում համապատասխան փոփոխությունների և ճշգրտումների են ենթարկվում նաև Արմատատի կողմից արդեն իսկ հրապարակված ցուցանիշները:
	7.4 Տարածման արտադրանքների խթանում	Արմատատի պաշտոնական կայքում ներկայացված տարատեսակ տեղեկատվությունը (ցուցանիշներ, մեթատվյալներ, իրազեկումներ, ոլորտի վերաբերյալ նորություններ, տվյալների բազաներ և այլն) ոչ միայն միջոց է վիճակագրական, այլ նաև՝ Արմատատի գործունեության վերաբերյալ տեղեկատվության տարածմանը, ինչը խթանում է ոլորտի գործունեության արդյունավետության բարձրացմանը:
	7.5 Օգտագործողների աջակցության կառավարում	Վիճակագրական տեղեկատվություն օգտագործողների կողմից չհրապարակվող ցուցանիշների վերաբերյալ տեղեկատվության պաշտոնական հայցման դեպքում հնարավորության սահմաններում իրականացվում է լրացուցիչ ցուցանիշների հաշվարկ և տրամադրում նրանց՝ միաժամանակ պահպանելով վիճակագրական տեղեկատվության նկատմամբ գաղտնիության սկզբունքը:
	<i>Գնահատում</i>	
	8.1 Գնահատման միջոցների հավաքում	Ըստ անհրաժեշտության իրականացվում է տարբեր հաշվետվության ձևերում արտացոլված միևնույն կազմակերպությունների վերաբերյալ տեղեկատվության հավաքում:
	8.2 Գնահատման իրականացում	Վիճակագրական ցուցանիշների որակի կառավարման տեսանկյունից իրականացվում են տարբեր հաշվետվության ձևերում արտացոլված միևնույն կազմակերպությունների վերաբերյալ տեղեկատվության համեմատություններ: Տեղեկատվական հիմք են հանդիսանում նաև ֆինանսների նախարարության կողմից տրամադրվող տեղեկատվություն պետական բյուջեից «շենքերի և շինությունների շինարարություն», «շենքերի և շինությունների կապիտալ և ընթացիկ վերանորոգում» հոդվածների գծով կատարված ծախսերի վերաբերյալ՝ ըստ առանձին պետական մարմինների:
	8.3 Գործողությունների ծրագրի համաձայնեցում	Համեմատվող միևնույն ցուցանիշի վերաբերյալ, տարբեր աղբյուրներից ստացվող տեղեկատվության միջև անհամապատասխանությունների հայտնաբերման դեպքում իրականացվում է դրանց հնարավոր պատճառների բացահայտում, որի հիման վրա իրականացվում են համապատասխան վերջնական ճշգրտման աշխատանքներ: